

憶念聖尊真實力 諸惡毒藥盡消滅
 或見他人遭鬼魅 或發熱病受諸苦
 若轉此讚二三七 彼諸苦惱悉蠲除
 欲乞男女得男女 求財寶位獲富饒
 善能圓滿隨意願 一切障礙不能侵

根本十字真言

言五

主



唵多哩咄多哩都哩莎訶

唵多哩咄多哩都哩莎訶

救度八難真言



唵多哩咄多哩都哩莎訶

唵多哩咄多哩都哩薩囉嚩耶那舍你薩囉
 觀枯多哩祢莎訶

等



聖救度佛母二十一種禮讚經



佛說一切如來頂輪王一百八名讚

宋三藏傳法大師施護奉詔譯

爾時一切如來說無量功德大明呪主轉輪
 王一百八名即說讚曰

歸命最上師 一切世間主 恒懷大慈悲

顯揚大名稱	十力大丈夫	福德超三界
具足一切相	天人常恭敬	攝受諸衆生
與作大福聚	復名大自在	一切佛頂王
轉一切呪輪	成就正法句	聖智善通達
一切悉解脫	恒爲大主宰	出過一切天
爲大禪定像	平等視衆生	具足無邊智
無實無不實	無一亦無二	號曰大僊天
世所甚希有	本來寂滅相	清淨而無垢
善入無盡性	廓然無怖畏	不斷亦不破
無想亦不空	能捨於萬有	不著如虛空

妙色即空色	善相爲善瑞	寂靜常決定
善意生妙梵	爲彼天中像	自在廣無邊
功德無邊量	心口難思議	無等無等等
真像廣無邊	究竟無能勝	無邊世界中
一切皆恭敬	一切呪像主	此像未曾有
善像難有像	天眼及三眼	真密三解脫
實語實寂靜	實法住實際	思惟妙法身
湛然常堅久	無垢性決定	風天與月天
日光及妙意	文字三六字	一呪一字王
一智一切智	自在大自在	梵天那羅延

一佛一法相 一天居一衆 一定一相應
一切世間中 高談衆妙法 以此神通光
化光一切處 大光威德力 爲一切天主
一切佛法主 一切法智主 無盡功德聚
是名一百八

佛說一切如來頂輪王一百八名讚

音釋

捻指如協切攪古巧切手磔陟格切鈷公戶切
關伽水梵語也阿葛切鼻也蝕音食侵辨髮
切婢典鷄梟梟梟抽知切梟梟鳥名